

月光童子經
申日兜本經
逝童子經

百五十九
毀八

48377



元祿九年丙子二月日重脩

皇圖永固 帝潛銀昌

佛日增輝 轉輪常轉

山城州天安寺法金剛院置



三經同卷

月光童子經

申日兜本經

逝童子經

佛說月光童子經

一名申日經

西晉三藏法師竺法護譯

毀壽

聞如是一時佛遊於王舍城靈鳥頂山與大
比丘十千人俱聖通無礙悉皆應真漏結以
解生死已斷穢質已度慧明獨存菩薩二万
神通聖達都統三世摠攝諸法權慧無方逮
佛神德任無所任今時世尊遊於王舍大城
之中廣演道義開化群生天地神祇海靈鬼



神帝王臣民三界衆生皆來稽首共稟神化
世無佛時邪道興隆猶如冥夜炬燭爲明天
地有佛群邪盡歇譬如日出火無復光國中
本事外道邪見不蘭迦葉等六師佛以正真
之道訓教天下是時六師盡廢不見信奉諸
異道等心懷嫉妬謀欲毀佛還望敬事於是
六師召其門徒合衆弟子會於一處共集論
議吾等道德高遠名著四海衆儒共宗國主
所奉人民男子莫不信仰於十六大國盡世
供養吾等如風民應如草靡不稽首吾等足
下者今佛出世現道德神化吾等更爲捐棄
不見信奉乃令我等飲食不甘坐卧不安出

入行步恒懷愁憤心中鬱毒志欲發狂當作
何計以毀辱之遂使出國令人不見尔乃還
復吾供養耳共議此以各相謂言羅閱大城
之中有勢強長者國相大臣名爲申日信奉
吾等執心不二恒毀佛道以爲虛僞唯有此
人勢力威強能助吾等毀辱除之於是六師
即從座起將五百弟子到王舍城詣由日家
申日見諸師來即下正殿迎爲作禮施好榻
机美食畢盥拱手對坐諸師告曰吾等故與
大衆俱來造長者欲議一事願垂聽省申日
白言唯蒙訓誨願樂受聞六師俱曰吾等此
國之師功名勲著羣儒稽首國主致敬大臣

所奉於十六大國獨言隻步長者所知佛出
於世自稱聖智幻術欺巧倒正反說競與吾
等烈聖併智齊威等神迷惑人民國人愚冥
信奉其道疑亂天下沮敗善心更謂吾等無
有道德不見信奉長者勢強帝王所欽國人
服信威震四海天下望風深為師徒終始重
義記烈勲効傳之來世願為吾等毀辱除之
令滅不見復吾供養豈不快哉長者啓曰敬
承來告憶昔往日我之愚兄奉佛之故毀辱
諸師從此已來實懷忿恚每欲規罟執事靡
由今被聖教合我本心當以展力効畢命盡
節諸梵志曰吾向共議欲令長者於門鑿作

五丈六尺深坑以炭適半細鐵爲椽薄土覆
上設衆飯食以毒著中若火坑不焚毒飯足
害便往請之佛自云三達之智神通無礙照
見未然明禍福之源吉凶之趣實無此分而
但誑惑万姓審有此智當不受請若無此智
必自受之今欲以此規囑佛申日聞之欣然大
悅讚言善哉誠如大師之所教勅此所謀深
密高妙實爲竒異以此囑之何憂不獲輒如
聖教作火坑毒飯嚴以待之介時不蘭迦葉
五百弟子見申日計共謀同歡喜踊躍不能
自勝咸共起任同聲舉手稱讚申日善哉真
是聖明第一弟子申日重啓今自憂之必自

嚴辦比令明日諸師當見長者作禮諸師各
還於是申日勅外嚴駕導從前後便詣佛所
下車却蓋解劔脫履拱手直進稽首足畢長
跪白佛唯然世尊飢渴神化樂仰清風世事
多緣奉敬靡由今故請見稽首稟化佛告長
者明尔至心向於如來申日啓曰明日欲設
微食唯願世尊與諸聖衆降德屈神是時世
尊愍其狂愚欲濟脫之默然受請申日內喜
心自念言果如所見禮畢辭退過六師所諸
師迎問爲受請不申日啓言承諸師威力已
受我請果如所囑諸師及五百弟子皆大歡
喜不能自勝諸梵志等並喜並言長者速還

作火坑毒飯嚴以待之申日還家勅外密令
中門外掘作火坑毒飯嚴以待之長者有子
名曰月光厥年十六天姿挺特儀容端正博
通群籍貫綜神摸天文地理靡不照焉高名
動世群儒師仰慈愍於世生死之苦降德普
濟欲度衆生諫父申日佛爲大聖三界之尊
道德清淨言教至真三達之智慈悲喜捨心
過慈母當蒙得度更興逆惡希望天福豈不
惑哉昔者世尊求道之日坐於道場元吉樹
下第六天魔見佛高遠三毒以滅穢冥以索
慧明獨存神通無上諸天所宗上帝親下万
神侍衛內懷嫉妬心中煩毒念其道成必當

勝我飲食不甘。伎樂不御。即昇正殿。博問群
臣議設方計。毀敗其道。群臣啓曰。菩薩神聖
神力無上。威震三界。德服十方。非是臣等所
可向謀。於是魔王赫威奮發。震曜天地。召其
鬼兵興軍。聚衆帶甲。億方旌旗。晻日光曜。蔽
天宣勅。士衆皆使變化。竒形異類。數百千種。

虫頭人軀鬼魅可畏。擔山負石。眼目吐火。圍
遶菩薩。齊聲蹋地。牛吼唱叫。震動八荒。山崩
地裂。樹木摧折。海水波蕩。涌沸六源。溢流浩
汗。高波滔天。百姓驚怖。巢木栖山。潛龍妄踊。
鰲鳥驚翔。師子懼竄。金翅鳥亡。摩竭大魚。順
流低仰。群臣怖悸。逃走避藏。千變萬化。群凶

相將毒氣逆類。弥漫縱橫。一時集惡向於世。尊佛直以慈心。布施之力。舉手指之。群惡鬼兵自然退散。魔王失利。前摸獲地。群惡鬼兵一時躡地。齊心叉手。願自歸佛。當于尔時。如來應時。即便降伏。弥天之惡。以爲弟子。雖獲得勝。無有喜想。以是方之火坑毒飯。何足言也。須弥之毒。大千刹火。刀劍矛刃。亦不能動佛一毛也。今以火坑毒飯。欲毀於佛。譬如蚊蚋之勢。蜂墜太山。蠅蠖之翅。欲障日月。徒自毀碎。不如早悔。首過免罪。天龍鬼神。世間人民。梵釋魔王。莫不稽顙受佛化者。如來之身。金剛德體。衆惡盡滅。万善積著。相好光明。神

器無喻永除五道之大冥獲無上正真之獨
明處衆聖之上猶星中之有月如日初出照
於朝陽廣陳道化教世群愚懷慈四等愍傷
衆生施恩濟苦心過慈母佛之道德神化如此
願父改悔歸命三尊今時長者申日罪蓋所
蔽心不開解告子月光假使如來之德如子
所歎佛有神通照見未然當預知我作火坑
毒飯今何以故受吾之請以此推之知無遠
慮月光復言佛實有三達之智六通三明大
慈四等靡不貫綜常度愚惑不逆人意申日
心迷執愚不捨明且遣人請佛使者受教輒
詣尊所長跪白佛長者申日啓言日時已至

飯食已具唯願大衆降德自屈。尔時世尊心
自念言。今受申日之請。不與常同。當放威神。
感動十方。令子心服。必就大道。廣化無涯。并
化六師及九十六種道。於時世尊放大光明。
土照三十三天下。徹十八地獄。極佛境界。皆
大光明。神通菩薩羅漢。緣覺梵釋天王海龍。
地祇及諸鬼兵。各將部黨。億萬無數。聞度申
日。皆來詣佛。稽首足畢。翼從左右。佛告諸比
丘。携持應器。當就長者。申日之請。諸比丘咸
曰。受教。肅然嚴持。地作金色。當佛頂上七步。
香雲紅黃青紺紫白蓮華。自然涌出。夾道兩
邊。佛步出門。告空無吉祥菩薩。六十万人在。

前導從或行虛空或現於地佛處中央其餘
無限之衆皆隨佛後光明赫奕過日絕月晃
照一切天施寶蓋華下如雪天龍飛鳥不敢
塵上三界衆生無見頂者天樂皆同時俱作
毒虫隱伏吉鳥翔鳴佛不蹈地相輪印成光
明煌煌七日熾盛寶樹藥樹諸衆果樹俾倪
佺俄低仰如人跪禮之形閼叉金翅魘鬼魅
鬼各將營從莊嚴分部千百爲衆手執伎樂或
持香華七寶瓔珞天繒幡蓋十方來會天人
亦下樂器亦鳴盲視聾聽瘖言蹙行怨憎和
慈迷悟醉醒婦女釵釧相撐作聲飛鳥走獸
皆作人形百歲枯木自然葉生餓鬼飽滿地

獄安寧琵琶箏笛擊鼓亂鳴佛以神德變化
火坑即成七寶紫紺浴池八味正水底有金
沙邊有蓮華魚鼈鼉鼉池中喜踊飛鳥走獸
音樂相和池邊行列絲竹衣樹樹間皆懸羅
縠緹縵珊瑚水精琉璃為枝葉紫磨黃金為
繩連弥交錯樹間垂天瓔珞互相連結風起

吹之轉相撐觸妙音百種自然宣出歎佛神
德至未曾有皆說無常苦空非身之聲使悲
者更喜喜者更悲其七寶樹上則有群鳥孔
雀鸚鵡金翅鳥王赤胤神鳥鳳凰吉鳥拘耆
那羅羯鞞之鳥比數百千光色顯赫群飛樹
間哀鸞百種感動人情咸來集聽走獸息食

飛禽止聽形異心同歸命世尊當于尔時海
靈地祇三界衆生其來會者見火坑變化爲
浴池天地震動神變若此道德殊絕皆看申
日申日見之心動神驚衣毛起豎憶惶怖悸
精神失守心自念言咄哉迷惑我之逆惡所
爲無道願謂六師坐汝畜類沉吾湯火我今
如何六師恐怖慙耻無言懼獲重禍即各逃
竄於是申日與子月光夫人姝女眷屬男女
外道伴黨俱出迎佛逢觀世尊洪炎暉赫晃
若寶山天姿紫金巨容丈六神顏從容諸根
寂定相三十二八十種好天中之天道德堂
堂十力世雄天人中王佛以神德照愚冥心

申日意解如迷得正狂病瘳除五情內發悲
喜交集即便首罪五體投地稽首作禮唯然
世尊恕我盲冥不識正真用信惡言興毒害
意欲危天尊幸賴慈化乞原罪各垂哀接濟
得免大罪願前就坐即時如來昇于正殿衆
會已定申日慙怖心不自安前白佛言爲盲
冥所誤信妖邪之言以爲真諦如狂服藥病
更益劇始今覩佛邪病得除所爲無道飯食
之中悉皆著毒不可供養以御大聖願待須
臾更嚴食具佛告長者便持飯來不須更設
貪婬瞋恚愚癡邪見世之重毒吾無此毒毒
已滅盡毒不害我申日下食香徹八難餓鬼

得安食已行水衆會寂然申日退坐垂泣啓
言唯然世尊恕我迷惑敢面逆惡向於如來
自揆罪重當應入地獄湯火痛拷長夜受苦
將脫何由佛爲大慈三界之救愍念衆生濟
於塗炭時不誡我令我罪成得無世尊不豫知
也佛告申日昔定光世尊授我別時汝却後無
數阿僧祇劫當於五濁世中作佛廣度衆生
如我今日當有長者申日火坑毒飯規面害
汝我今時得慧明三昧時已豫知汝姓字況
於昨日而當不知申日歡喜世尊乃豫知無
數劫事我旣覺寤會得免罪今我盡心自歸
於佛所爲之非願令重罪而得微輕佛本有

誓不捨愚惑即告申曰善哉長者能自覺悔
重罪畢除吾當為汝廣說道義令汝心解對
曰唯然天中天願樂欲聞畢死善道盡心不
忘即時世尊聲揚洪音出八種聲演萬億音
廣說無量法言八解四諦三脫六度深道法
要微妙之行解三界空諸法因緣造為罪福
觀病選藥如應說法申曰情悟一旦皎然心
開疑解結除懽然無想寂然入定即於坐上
逮得不退轉以歡喜踊躍身昇虛空去地百
四十丈從空來下稽首于地鳴佛足摩佛足
長跪自陳今已覺悟從佛得度欣然歎佛十
力雄哉如來神力震伏十方無敢當者火坑

毒飯豫自消亡佛無憂哉一切刀劍所不害
傷劔戟刀刃皆化作華佛勇猛哉如來皆能
降伏邪道九十六種異口同音皆歎大道佛
金剛哉佛若金山晃照一切闇冥壞敗慧火
獨明超度群聖之上德過虛空辯才不盡開
闡明法告于大千伏諸剛強令使熟成威震

三界獨而無侶離諸塵勞淨若天金雨諸
法寶飽滿一切施以無盡七天之財觀心選
藥先壞魔兵如應開法靡不得度九十六種
邪道隱蔽當于申日歎佛法時無限之衆其
來大會皆樂法音得福得度不可稱計天地
震動樂器作聲第七梵王宣聞法言琵琶磬

鼓千種伎樂自然而鳴。忉利天帝華散佛上。
歎佛聖德。至未曾有。當此之時。莫不歡喜。稽
首作禮。

佛說月光童子經

申日兜本經

宋天竺三藏法師

跋陀羅譯

聞如是一時佛在王舍國止鷄山中時國王
邊大臣長吏人民莫不敬重愛教戒者佛教
國王長者吏民皆令不得殺生盜竊犯他人
婦女不得兩舌惡口妄言綺語不得嫉妬慳

貪狐疑當信作善得善作惡得惡已所不欲
莫施於人其有學餘異道不受佛教戒者國
王長者吏民皆不復敬所以不敬者非正道
也教人不以道德身自殺生教人殺生身自
盜人財物教人盜人財物身自犯他人婦女
教人犯他人婦女身自兩舌惡口妄言綺語
教人兩舌惡口妄言綺語身自嫉妬慳貪狐
疑教人嫉妬慳貪狐疑其國中有一四姓長
者字爲申日財產甚富金銀珍寶無央數申
日事餘道不事佛道不信佛經異道人皆共
嫉妬佛悉會申日共議言佛今爲王及傍臣
長吏人民所敬重而我等獨不爲王及邊臣

長吏人民所敬重佛常自說言知去來現在
之事豫知他人所言心中所念今寧可試知
爲審如佛言不申日言當何以試之餘異道
人教申日作飯請佛持毒藥置飯中掘門裏
地令深五丈以火置中其上薄覆其上令佛從
上來入如佛知去來現在之事者當不受請
受請爲不知去來現在之事也便可穿地作
坑設飯食置毒藥其中申日言諾大佳即行
請佛佛言大善申日便語異道人道人言人
已無所知但當穿地作坑耳申日有一子字
旃羅法年十六通世宿命學佛道能知去來
現在之事語其父言佛已知餘道所議不須

試也莫用惡人言自投湯火申日不信子言
便使掘坑以火置其中作飯具置毒藥佛告
阿難勅諸比丘明日皆不得先行佛到飯上
也悉隨佛後佛坐思惟正道諸天王皆路動
申日遣人白佛時已到願可就飯佛告阿難
令諸比丘著衣持應器隨佛後諸比丘受教
著衣持應器皆隨佛行諸天王及諸鬼神無
央數共行佛行佛即以地作黃金乃至申日
門佛適向道便放光景令申日舍中悉作金
色旃羅法即語父言今佛已起向道十方皆
明如日佛與諸比丘及無鞅數天共發來佛
與諸比丘及無央數天共行如星中有月今

父舍中明如是乎不須請佛也申日不用子
言佛到城門足蹈門限舉城中即爲大動病
者即愈盲者得視聾者得聽瘖者能語被毒
者毒不行狂者得正偃者得伸瞋恚者皆爲
歡喜笙篴樂器不鼓自鳴婦女珠環皆自作
聲百鳥畜獸相和悲鳴佛到申日門五丈火
坑以作浴池中生蓮華一華生千葉諸弟子
所蹈華生千葉皆悉蹈華上而行申日見火
以作水池中生蓮華便大懼怖持頭面著地
以誠自說今爲佛作飯皆以毒藥置其中願
乞更炊作好飯佛言不須更炊持毒飯來食
之佛就坐諸比丘皆坐佛告阿難勅諸比丘

且勿得食。須佛教乃食。佛即呪曰：天下凡有三毒。一者貪，二者瞋，三者愚癡。佛無是三毒者。毒為不行。至誠有經法者。毒亦不行。如諸比丘道正者。毒亦不行。佛語適竟。飯食中毒皆消去。佛語阿難令諸比丘皆飯。毒皆已去。佛及諸比丘皆飯已。申日便前長跪。以頭面著佛足。白佛言：大無狀用惡人之言。令我作惡。願從佛求哀悔過。佛即為申日說經。便得第一。須陀洹道。申日即受五戒。為優婆塞。一者不殺，二者不盜，三者不犯他人婦女，四者不兩舌，五者不飲酒。申日受五戒已。持頭面著佛足為禮。

申日堯本經
經月光二
同卷



佛說逝童子經

西晉沙門

支法度譯

聞如是一時佛在羅閱祇耆闍崛山中平日
從諸比丘被袈裟持應器入城分衛佛行向
富迦羅越門富迦羅越有子年十六名曰逝時
在第三門內遙見佛來身有竒相容貌端正
心意安靜諸根寂寞項中光出影曜絕殊焰
明熾盛若日之淨月盛滿時悉照門內逝見
佛如是心中歡喜肅然而驚便趣上堂為母

說偈言

金光色百餘

此希所見聞

今來任在外

當給其所求

威儀過梵王

光顏殊諸天

哀我故來耳

願以持與之

其母聞逝言即告曰如汝所稱者其人豈貧

窮何為當乞兒耶一何惑哉今所言者殊不

合義尔時佛便以神足現化放身光明徹照七

重門內盡為大明逝感佛威神復為母說偈言

譬如人見火

端自投其中

不善向佛者

自賊亦如是

天人中獨尊

至聖無復上

是最可供養

施必得大利

今所有食分

願取用與我

欲以奉上尊

此歡難常值

其母即以所有好衣及食具與逝逝持出詣佛所以頭面著地爲佛作禮却住一面叉手白佛言今我見如來虛心恭敬注意於佛惟以加哀受已所施佛應時受之爲逝說偈言汝以伏慳意能善修治施今日供養佛所念莫不吉

逝聞佛所語即自說偈言

我不願富貴

亦弗望釋梵

但願最智慧

如佛而無上

尔時天帝釋下立逝前說偈言

纔用一布施

欲求佛者難

道常世世施

積若須弥寶

經歷千億劫

恒行慈愛心

不可以一施。得覺無上道。

逝即答天帝釋說偈言

譬如大工匠。欲伐巨木者。

獲不一下斧。

便以斷大樹。斧斫稍以漸。

可盡太山木。

行業從微得。求道亦如是。

明不用一施。

而得成大道。我有信精進。

必為世間將。

天帝釋復為逝說偈言

不如求尊天。釋梵易可得。

妙能應佛法。

佛道甚難得

逝答天帝釋說偈言

設使一天下。滿中火洞然。

吾以身遍投。

終不捨佛意。假令一切人。

皆共賊害我。

願常慈心向
終不廢大道
脆哉釋梵天

彼皆為死法
願歸一切智
勇若師子雄

天帝釋復為逝說一偈言

快哉得善利
乃有敬在佛
專精向大道

想汝必作佛

逝答天帝釋說偈言

天王且勿疑
於斯無上道
精進吾匪懈

會於世為佛

於是天帝釋默然時佛為逝說偈言

汝已於往世
敬事八千佛
心常願大道

欲得安群生
後十二億劫
終不墮惡道

但多修德善
恒以興尊意
汝當百億反

作王遮迦越

亦為四天王

每輒行正法

又當為帝釋

未嘗遠梵行

後生兜術天

然則道德成

當居千國界

中央得作佛

名曰須弥劫

一切莫不事

千國各橫廣

四百八十里

宮牆之嚴飾

一切皆以寶

初會說法時

六十千億人

為弟子得度

皆得阿羅漢

再會說法時

四十千億人

皆入羅漢慧

所度為甚眾

三會說法時

所度甚眾多

離垢入淨慧

悉得無所著

是時佛刹中

無有亂惡眾

皆悉向道法

一切行忠直

疾病之憂苦

都已無是死

時人皆和睦

展轉相念安

天日三時雨

栽足掩土塵

寒暑常調適

度人若干種

族姓之男女

若欲興善意

敬愛於佛者

供養當如此

吾今敷演是

菩薩所當行

面於正覺前

即得佛慧眼

諸佛無有數

經法不可盡

若以無數敬

福報亦無量

佛說是決已迦羅越子逝天帝釋及諸比丘

聞經歡喜皆前為佛作禮而去

逝童子經

長者等三經

月光童子經

歇

許謁反止也

愁憤

下俱對反心煩亂也

羅閱

下音悅

榻机

上音

塔座

案下居也

溢

夷一

澡盥

上音早下音貫漱

洗來造

下七到 反至也 俎敗 上才呂反 規 上決 鑿 昨音 捋 反直綠 拙 其物反又 厥 居月反 挺特 上徒 反

羣籍 反下才亦 綜 子宋反 模 莫胡反 以索 下思各反 奮 方問反 鉀 甲今作 旌旗 音精 字

盡也散也 奮 振也 鉀 甲今作 旌旗 音精 字 其旗上 長也 又五色 繫 曠 陰一計反 蔽 祭必

於其 旗上 以精進土也 繫 曠 陰一計反 蔽 祭必 反 魅 反密 二 踰 蹋 反二同 徒 峇 浩汗 老上胡 滔天

上土刀反 言水 巢木 上助 栖 音西 潛 昨音 反 一 蟄 立直 立反 蜚 蟲 翔 飛音 竄 逃七乱反

翅 反施智 怖悸 心動 自也 遁 藏 逃也 隱也 殄 漫 上弥字 下 躡地 毗益反 蚊 蚩 莫上音 文下 蠅 蠛 蠓

上 弥字 下 躡地 毗益反 蚊 蚩 莫上音 文下 蠅 蠛 蠓 莫 官反 陵 反 覩 陽 而 死 一音 蒙 音 義 去 合 作 蟻

因 雨 而 生 覩 陽 而 死 一音 蒙 音 義 去 合 作 蟻 上 余 陵 反 覩 陽 而 死 一音 蒙 音 義 去 合 作 蟻

莫 官反 陵 反 覩 陽 而 死 一音 蒙 音 義 去 合 作 蟻 理 一也 反 其 誓 類 于至 額也 拜 紺 赤色也 反 青

理 一也 反 其 誓 類 于至 額也 拜 紺 赤色也 反 青 莫 結 反 其 誓 類 于至 額也 拜 紺 赤色也 反 青

赫弈

上許客反

遏

止於葛反

晃

胡廣反

蹈

地

上音盜

煌

音皇

俾倪

上音普米反

正之

佢

俄

音義云正

魔

上音側

睡也

繒

疾

反

相桴

下直

教也

魚鼈

俗

鼈

相桴

下直

鼈

羅

縋

縋

相桴

下直

慢

翦

鞞

鞞

咄哉

上丁

呵

洪

焔

從容

從容

療

音抽疾

劇

煩

自揆

自揆

莢

也

懼

疾

戟

莢

莢

也

申

經

經

申

兜

狐疑

胡

野

鞅

騷動

反上

偃

炊

也

鞅

騷動

反憂

折

燄

也

鞅

騷動

折童子經

反上

蘇

也

偃

背

曲

反

炊

音

吹

一

逝童子經

少

息

也

反

脆

取

破

也

反

匪

不

也

反

睦

也

音

順

目

也



